



07/6-34-05-4-19308/22
Sarajevo, 20.05.2022.g.

Ministarstvo civilnih poslova Bosne i Hercegovine
Fax: 033 492 626
E-mail: pisarnica@mcp.gov.ba

Direkcija za evropske integracije BiH
Fax: 033 255 317
E-mail: Kabinet.Dei@dei.gov.ba

Predmet: Sprovođenje inicijative ALMA, informacija – dostavlja se

U prilogu dostavljamo dopis Misije Bosne i Hercegovine pri EU kojim se prosljeđuje informacija o ALMA (Aim, Learn, Master, Achieve) inicijativi, koja promovira aktivnu inkluziju mladih ljudi uzrasta od 18-30 godina koji nisu zaposleni, nisu u procesu obrazovanja ili obuke. Uz intenzivnu obuku za mlade uzrasta od 18-30 godina, ponudiće im se sticanje radnog iskustva u periodu od 2 do 6 mjeseci u drugoj državi članici EU. Ova inicijativa ima za cilj da unaprijedi vještine, znanje i iskustvo mladih ljudi kako bi mogli da pronađu svoj put do tržišta rada ili nastavka obrazovanja kada se vrate u svoju državu i da stvore nove veze širom Evrope.

Evropska komisija je 12. maja 2022. godine organizovala sastanak o zapošljavanju mladih, na kome je objavljen podatak da se do sada više od polovine zemalja članica obavezalo da uvede ALMA u svojim zemljama, kao i to da se očekuje da će se taj broj povećati, što će omogućiti mladim ljudima da imaju koristi od ove inicijative.

Ovom događaju su osim predstavnika Evropske komisije prisustvovali i predstavnici Međunarodne organizacije rada (ILO), socijalni partneri, kompanije i javne službe za zapošljavanje. Razgovarali su o izazovima i mogućnostima u vezi sa zapošljavanjem mladih. Oni su takođe iznijeli svoje stavove o tome kako postići uspjeh novog programa mobilnosti za socijalno uključivanje ALMA. Mladi ljudi iz Belgije, Češke, Njemačke, Irske Italije, Poljske, Španije i Švedske su došli u Brisel da podijele svoja iskustva o tome kako su imali koristi od programa sličnih ALMA programu i o transformativnom efektu koji su ti programi imali na njihove živote.

Nicolas Schmit, komesar za zapošljavanje i socijalne poslove naveo je da EU nudi podršku mladim ljudima, a posebno onima koji se trude i bore da poboljšaju svoj položaj, te da je cilj da učešćem u ALMA-i mladi ljudi koji su trenutno u nepovoljnom položaju steknu povjerenje

i uvjerenje da mogu uspjeti. Istakao je da je Komisija veoma posvećena tome da ALMA bude uspješan projekat.

Države članice se podstiču od strane Komisije da iz svojih programa Evropskog socijalnog fonda Plus (ESF+) 2021-2027 izdvajaju sredstva prema potrebi za sprovođenje inicijative ALMA. Za sada se osam država članica obavezalo se da će izdvojiti oko 270 miliona evra za sprovođenje ove inicijative. Pored toga, Komisija pruža administrativnu pomoć za podršku državama članicama u uspostavljanju i implementaciji ALMA-e.

Ovom novom inicijativom, Komisija ponovo potvrđuje svoju posvećenost Evropskom stubu socijalnih prava da se uhvati u koštac sa nejednakostima i ponudi aktivnu podršku zapošljavanju i sticanju vještina, posebno mladim ljudima u nepovoljnom položaju. ALMA će takođe pomoći da se implementira Garancija za mlade koja je ojačana 2020. Na taj način, ALMA će dopuniti postojeće programe koji podržavaju mobilnost mladih ljudi kao što su Erasmus Plus ili Evropski korpus solidarnosti.

